

Reykjavík 21. janúar 2010

Kæri æskulýðsfulltrúi

Dagana 10.-18. júlí verður haldið YOUTH CUP í Kalø Økologiske Landbrugsskole í Danmörku. Sjá nánar á heimasíðu mótsins á www.youthcup2010.dk og um mótsstaðinn á www.kalo.dk

Ísland sendir 8 fulltrúa á mótið og er óskað hér með eftir að æskulýðsfulltrúar hestamannafélaganna komi meðfylgjandi auglýsingu og þessum upplýsingum áfram til áhugasamra unglinga á aldrinum 14-17 ára.

Skila þarf inn umsókn til Landssambands hestamannafélaga til og með 1. mars hvort heldur sem er á tölvupósti: lh@isi.is - símbrefi 5144031 - eða bréfleiðis til okkar að Engjavegi 6, 104 Reykjavík.

Það sem þarf að koma fram í umsókninni er nafn knapa, heimilisfang, símanúmer, mynd og aldur ásamt upplýsingum um hestamannafélag og keppnisreynslu. Einnig þarf að koma fram enskukunnátta og svo þurfa 2 meðmælendur að skrifa nokkrar línur um viðkomandi. Meðmælendurnir mega ekki vera foreldrar umsækjanda. Með í för verður fararstjóri og liðsstjóri úr æskulýðsnefnd Landssambandsins.

Kostnaður vegna þátttöku í mótinu er í kringum 600 evrur auk kostnaðar við kaup á flugmiða. Innifalið í kostnaðinum er gisting, fæði, kennsla, hesthúspláss og skráningargjöld fyrir keppendur. Aukagreiðslur eru hugsanlega fyrir flutning á hrossi á mótsstað, leiga á reiðtygjum og dýralækniskostnaður.

Mótið fer þannig fram að á fyrsta degi (laugardegi) er þátttakendum skipt í alþjóðleg lið og er einn liðsstjóri með hverju liði. Fyrstu 3 dagana (sunnudag - þriðjudag) eru þau í þjálfun og undirbúningi fyrir keppnina og er keppt eftir sérstökum Youth Cup reglum. Síðan hvíla knapar og hestar einn dag (miðvikudag) og er þá hópnum boðið í einhvers konar skemmtiferð. Síðustu 3 dagana (fimmtudag - laugardag) fer síðan keppnin fram. Er þá bæði keppt í liða- og einstaklingskeppni. Foreldrum og öðrum gestum er ekki leyft að vera á mótstað fyrr en keppnin hefst á fimmtudeginum.

Hugmyndin með alþjóðlegu liðunum er að þar fá krakkarnir tækifæri til að kynnst krökkum frá öðrum löndum, þar eignast þau oft vini til lífstíðar og einnig að æfa tungumálakunnáttuna.

Landssamband hestamannafélaga sér alfarið um að útvega keppnishrossin nema ef að þátttakandi hefur aðgang að hrossi þá er það bara hið besta mál og endilega láta það þá koma fram í umsókninni.

Vona að þessum upplýsingum verði komið áleiðis til að gefa unglungum okkar tækifæri á að fara í skemmtilegt ferðalag og kynnst áhugasömum hestakrökkum frá öðrum löndum.

Að lokum, ef að búið er að skipta um æskulýðsfulltrúa, vinsamlega hafið samband við skrifstofu LH og látið vita um breytingarnar.

Með bestu kveðju,
f.h. æskulýðsnefndar LH
Helga B. Helgadóttir, formaður